

মিশকাতুল মাসাবীহ (মিশকাত)

হাদিস নম্বরঃ ৪২২৯

পর্ব ২১: খাদ্য (كتاب الأطعمة)

পরিচ্ছেদঃ দ্বিতীয় অনুচ্ছেদ

الفصل الثاني

আরবী

وَعَنْ ابْنِ عُمَرَ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «وَدِدْتُ أَنْ عِنْدِي خُبْزَةً بِيضَاءَ مِنْ بُرَّةٍ سَمَرَاءَ مُلَبَّقَةً بِسَمْنٍ وَلَبَنٍ» فَقَامَ رَجُلٌ مِنَ الْقَوْمِ فَاتَّخَذَهُ فَجَاءَ بِهِ فَقَالَ: «فِي أَيِّ شَيْءٍ كَانَ هَذَا؟» قَالَ فِي عُكَّةٍ ضَبَّ قَالَ: «ارْفَعْهُ». رَوَاهُ أَبُو دَاوُدَ وَابْنُ مَاجَةَ وَقَالَ أَبُو دَاوُدَ: هَذَا حَدِيثٌ مُنْكَرٌ

বাংলা

৪২২৯-[৭১] 'আবদুল্লাহ ইবনু 'উমার (রাঃ) হতে বর্ণিত। তিনি বলেন, রসূলুল্লাহ সাল্লাল্লাহু আলাইহি ওয়াসাল্লাম বলেছেনঃ ঘি দুধে মিশ্রিত চুপসা ভিজা ধবধবে সাদা উত্তম গমের আটার তৈরি রুটি আমার অত্যন্ত প্রিয়। এ কথা শুনে জনতার মধ্য হতে এক ব্যক্তি উঠে দাঁড়াল এবং (রসূল সাল্লাল্লাহু আলাইহি ওয়াসাল্লাম-এর আকাজক্ষানুযায়ী) রুটি তৈরি করে তাঁর খিদমতে নিয়ে এলো। তিনি (সাল্লাল্লাহু আলাইহি ওয়াসাল্লাম) জিজ্ঞেস করলেন, (ঘি দ্বারা প্রস্তুতকৃত) তা কেমন ধরনের পাশে রাখা ছিল? সে বলল, দব্বের চামড়ার থলের মধ্যে। তখন তিনি বললেনঃ (আমার সম্মুখ হতে) এটা তুলে নাও। (আবু দাউদ ও ইবনু মাজাহ; আর আবু দাউদ বলেছেনঃ হাদীসটি মুনকার।)[১]

ফুটনোট

[1] য'ঈফ : আবু দাউদ ৩৮১৮, য'ঈফ ইবনু মাজাহ ৩৩৪১, য'ঈফুল জামি'উস্ সগীর ৬১১৯, শু'আবুল ঈমান ৬০০২, আস্ সুনানুল কুবরা লিল বায়হাকী ১৯৯১১।

হাদীসটি য'ঈফ হওয়ার কারণ, এর সনদে “আইয়ুব ইবনু ওয়ায়িল” নামক ব্যক্তি আছেন, যার ব্যাপারে ইমাম আযদী বলেনঃ আইয়ুব অপরিচিত। ইমাম বুখারী বলেনঃ তার অনুসরণ করা যায় না। বিস্তারিত দেখুন- ‘আওনুল মা'বুদ ৩৮১৮।

ব্যাখ্যা

ব্যাখ্যাঃ ‘আল্লামা ত্বীবী (রহিমাহুল্লাহ) বলেছেনঃ নবী সাল্লাল্লাহু আলাইহি ওয়াসাল্লাম-এর উক্ত পাত্র উঠিয়ে নেয়ার নির্দেশ দেয়ার কারণ, তিনি দব্বের চামড়ার পাত্র ব্যবহারের সাথে অভ্যস্ত ছিলেন না। কারণ, তাঁর নিজ ভূখণ্ডে এর কোন প্রচলন ছিল না। খালিদ ইবনু ওয়ালীদ (রাঃ)-এর বর্ণিত হাদীস থেকে যার প্রমাণ পাওয়া যায়। এটা নাপাক ভেবে করেননি, যদি তাই হতো, তাহলে তিনি উক্ত পাত্র ফেলে দিতে নির্দেশ দিতেন এবং তা ব্যবহার করতে নিষেধ করতেন। (‘আওনুল মা’বুদ ৬ষ্ঠ খন্ড, হাঃ ৩৮১৪)

হাদিসের মান: যঈফ (Dai'f) পুনঃনিরীক্ষিত

পাবলিশারঃ হাদিস একাডেমি □ বর্ণনাকারীঃ আবদুল্লাহ ইবন উমর (রাঃ)

🔗 Link — <https://www.hadithbd.com/hadith/link/?id=74952>

📖 হাদিসবিডির প্রজেক্টে অনুদান দিন